



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ՓԱՄԲԱԿ ՀԱՄԱՅՆՔԻ ԴԵԿԱՎԱՐ ՍՈՒՐԵՆ ԿՈՍՏԱՆԴՅԱՆԻ ՈՒՂԵՐՁ

### ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ՕՐՎԱ ԿԱՊԱԿՑՈՒԹՅԱՄԲ

Տեղական ինքնակառավարման մարմինների հարգելի՛ ներկայացուցիչներ, Փամբակ համայնքի ավագանու հարգելի՛ անդամներ, գործընկերներ, շնորհավորում եմ բոլորիդ՝ տեղական ինքնակառավարման մարմինների օրվա առթիվ:

Շուրջ 28 տարի տեղական ինքնակառավարման մարմինների համակարգը Հայաստանի Հանրապետության ամբողջ տարածքում իր ուսերին է առել տեղական մակարդակում համայնքների զարգացման կարևորագույն գործը:

ՏԻՄ ոլորտի հարգելի՛ գործընկերներ, ամենաառաջնային օղակում գտնվելով, հենց դուք եք, որ կրում եք համայնքի կառավարման ամբողջ պատասխանատվությունը:

Փամբակ համայնքում օրեցօր մենք արձանագրում ենք երբեմնի երազած տնտեսական առաջընթացը, ինչը ձեզանից յուրաքանչյուրի աչալուրջ և նվիրված աշխատանքի արդյունքն է:

Շնորհակալ եմ յուրաքանչյուրիդ՝ հանրային շահը ձեր անձնական շահերից վեր դասելու, ձեր ամբողջ գիտելիքը, ուժն ու կարողությունը համայնքի զարգացման գործում ներդնելու համար:

Լիահույս եմ, որ ձեր սրտացավ և հետևողական աշխատանքի շնորհիվ կարողանալու ենք ստեղծել այնպիսի համակարգ, որում ապրող բնակիչը չի մտածում իր հայրենի գյուղը լքելու մասին, այլ կարողանում է իրեն անհրաժեշտ բոլոր ծառայությունները գտնել մեկ տեղում: Այսօր մեզ հաջողվել է ստեղծել յուրաքանչյուր բնակչի համար բարեկեցության բավարար աստիճան, ինչը պարտավորեցնում է առավել շատ և առավել հասցեական աշխատել:

Ոլորտի հարգարժան՝ ներկայացուցիչներ, սիրելի՛ գործընկերներ, համայնքի զարգացումը շարժուն գործընթաց է, որի շարժիչ ուժը դուք եք:

Մեկ անգամ ևս շնորհավորում եմ բոլորիդ, ցանկանում եմ համախմբվածություն՝ մեկ ընդհանուր պետականամետ գաղափարի շուրջ, շրջահայացություն և ողջախոհություն ձեր բոլոր գործերում:

Հարգանքներով՝

Սուրեն Կոստանդյան



